

Halo Política kona-ba Seguransa Nasionál no Jéneru

KONTEÚDU

Tanba sá mak jéneru ne'e importante ba política seguransa nasionál?

Oinsá mak bele integra jéneru iha política seguransa nasionál?

Dezafiu no oportunidade Pós-konflitu

Pergunta ba prosesu halo política nasionál seguransa nian

Iha rekoñesimentu forte katak reforma setór seguransa (SSR) tenke prenxe nesesidade seguransa ba mane, feto, labarik mane no labarik feto. Integrasaun kestaun jéneru hanesan fatór fundamentál ba setór seguransa nia efikasía no responsabilizasaun, inklui mós apropriasaun lokál no lejitimidade husi prosesu SSR.

Nota informasaun ida-ne'e apresenta introdusaun badak kona-ba benefísiu sira ne'ebé bele hetan bainhira integra kestaun jéneru ba prosesu halo política seguransa nasionál, inklui mós informasaun prátiku.

Nota informasaun ida-ne'e bazeia ba instrumentu ida ne'ebé naruk liu, no rua ne'e hotu hanesan parte ida husi **Pakote Informasaun kona-ba Jéneru no SSR**. Pakote Informasaun ida-ne'e iha objetivu atu fó introdusaun kona-ba kestaun jéneru ba ema sira ne'ebé envolve iha prosesu SSR no hakerek política kona-ba SSR. Pakote informasaun ida-ne'e inklui instrumentu 12 hamutuk nota informasaun - haree informasaun liután.

Tanba sá mak jéneru ne'e importante ba política seguransa nasionál?

Política seguransa nasionál sira determina governu nia aprosimsaun ba seguransa no oinsá bele alkansa seguransa ne'e. Nune'e inklui mós estratéjia seguransa nasionál no política sira ne'ebé luan, no refere hanesan planu, vizaun, estratéjia, konseitu ka doutrina, no hanesan mós política espesífiku ba instituisaun partikulár, hanesan livru mutin kona-ba defeza.

Jéneru refere ba papél no relasaun, natureza personalidade, atitude, komportamentu no valór ne'ebé sosiedade atribui ba feto no mane sira. Ho nune'e, 'jéneru' refere ba diferença entre mane no feto ne'ebé *aprende tiha ona*, enkuantu 'seksu' refere ba diferença *biolójika* entre mane no feto. Iha papél jéneru oioin entre kultura ida-idak, no mós iha kultura nia laran, ne'ebé bele muda husi tempu ba tempu. Jéneru la refere de'it ba feto no mane sira maibé mós refere ba relasaun entre sira.



Integrasaun asuntu jéneru ba iha política seguransa nasional nian aumenta sira-nia relevánsia no sustentabilidade:

Apropriasaun lokál liuhosi política partisipativu ba prosesu halo política nian

- Hala'o konsulta ne'ebé luan kona-ba nesesidade no prioridade sira seguransa nian ne'ebé involve mós organizasaun sosiedade sivil sira hodi hametin liu tan apropriasaun lokál, lejitimasaun públiku no ajuda harii konsensu nasional kona-ba asuntu seguransa. Organizasaun fetu no mane sira hala'o knaar importante tanba lori perspetiva oioin.

Política seguransa ida-ne'ebé komprensivu hodi bele hatán ba nesesidade seguransa oioin

- Bainhira konsidera nesesidade diferente kona-ba seguransa no justisa ba fetu, mane, labarik fetu no labarik mane, bele prepara política seguransa mak komprensivu no efetivu liu.
- Bainhira fó atensaun ba asuntu jéneru iha política seguransa nasional, ida-ne'e hatudu importánsia atu fó atensaun ba ameasa interna ba seguransa, hanesan violénsia bazeia ba jéneru (VBJ).

Naun-diskriminasaun iha política seguransa no instituisaun setór seguransa

- Bainhira pesoál setór seguransa hamenus diskriminasaun sei hametin fiar, hasa'e lejitimidade no hadi'ak fornimentu seguransa no justisa. Política seguransa ida bele estabesele regra atu proteje kontra diskriminasaun iha instituisaun setór seguransa nia laran.

Kumprimentu ba obrigasaun tuir direitu no instrumentu internasionál

Presiza integra kestaun jéneru ba prosesu halo política kona-ba seguransa hodi kumpre ho direitu, instrumentu no norma internasionál no rejional kona-ba seguransa no jéneru. Instrumentu importante hirak ne'e inklui:

- Konvensaun kona-ba Eliminasaun Diskriminasaun hotu-hotu Kontra Fetu (CEDAW, 1979)

- Rezolusaun Konsellu Seguransa Nasoin Unidas 1325 kona-ba Fetu, Pás no Seguransa (2000)

Atu hetan informasaun liu tan, favor bele haree iha aneksu instrumentu kona-ba direitu no instrumentu internasionál no rejional.

Kaixa 1 Asuntu Jéneru ne'ebé tenke inklui iha Política sira

- Direitu ne'ebé hanesan ba fetu no mane atu partisipa iha instituisaun sira setór seguransa nian
- VBJ hanesan ameasa interna ida ba seguransa
- Eliminasaun diskriminasaun no violasaun direitus umanus sira seluk iha instituisaun setór seguransa nian ka iha fornimentu servisu seguransa no justisa
- Mekanizmu sira ne'ebé bele garantia partisipasaun husi sosiedade sivil, inklui organizasaun fetu, iha monitorizasaun ba implementasaun política seguransa, prosesu SSR no instituisaun setór seguransa sira.

Oinsá mak bele integra jéneru iha política seguransa nasional?

Dezenvolvimentu ka revizaun ba política seguransa nasional presiza partisipasaun husi atór sira hotu, inklui governu nasional, parlamentu, governu lokál no organizasaun sira sosiedade sivil nian (OSS). Kada atór bele foti medida atu integra jéneru iha prosesu halo polítiku seguransa nian:

Governu Nasional

(Inklui mós órgaun ba koordenasaun seguransa nian no komisaun sira ne'ebé kria ezbosu ba política seguransa nian)

- Harii kapasidade no kompromisu ba funsionáriu sira iha nivel leten no ofisial sira atu tau matan ba jéneru bainhira halo política seguransa nian liuhosi treinamentu, esplikaun no relatóriu kona-ba asuntu jéneru nian, no programa sira mentorizasaun nian.
- Aumenta partisipasaun fetu nian iha prosesu halo política kona-ba seguransa nian liuhosi:

- Nomeia fetu sira ba konsellu nasional seguransa nian no komisaun sira ne'ebé hala ezbosu ba polítika seguransa nian.
- Iha órgaun seguransa nian inklui mós reprezentante sira husi ministériu no/ka entidade sira seluk husi governu ka grupu parlamentu ne'ebé responsabiliza ba asuntu jéneru no fetu nian.
- Harii mekanizmu atu halo konsulta ho reprezentativu sira husi organizesaun fetu nian peritu jéneru nian kona-ba asuntu polítika seguransa nian.
- Inklui asuntu jéneru esplisitamente iha polítika seguransa nian (haree Kaixa 1)
- Uza lia-fuan ne'ebé sensível ba jéneru atu hasees an husi diskriminasaun no eskluzaun – n.e. refere ba 'ofisial polisia', duké uza termu 'polisia mane'.

Parlamentu

- Garante katak prosesu halo polítika seguransa nian ne'e inkluzivu no hetan partisipasaun liuhosi:
 - Hala'o prosesu konsulta públiku ne'ebé luan (haree Kaixa 2).
 - Hala'o audiénsia parlamentár, debate aberta no enkontru públiku atu hetan opiniaun husi fetu no mane sira iha sosiedade laran tomak kona-ba asuntu seguransa nian, no atu halo diskusaun kona-ba ezbosu polítika seguransa nian sira.
 - Konvoka reuniaun ketak ba grupu sira mak iha sosiedade nia laran ne'ebé lakohi ka la bele ko'alia sai iha públiku – n.e. grupu étniku minoria sira.
- Halo esforsu atu hetan partisipasaun iguál entre deputadu mane no fetu iha prosesu halo polítika seguransa nian liuhosi:
 - Promove partisipasaun deputadu fetu sira iha komisaun sira kona-ba defeza no seguransa nian.
 - Enkoraja deputadu fetu sira no/ka deputadu sira ne'ebé trata asuntu jéneru atu organiza sorumotu ho membru partidu hotu-hotu hodi dezenvolve plataforma konjuntu ida kona-ba asuntu jéneru no seguransa nian.
 - Apoia estabesimentu grupu fetu nian/ka koligasaun iha parlamentu laran no entre partidu polítiku sira (haree Estudu Kazu 2).

Governu Lokál

- Envolve fetu, peritu jéneru nian no representante husi organizesaun sira fetu nian iha komisaun seguransa, konsellu no auditoria ba seguransa iha nivel comunidade.
- Konsidera nesesidade oioin relasiona ho seguransa no justisa ba fetu, mane, labarik mane no labarik fetu iha esforsu lokál atu prevene krime no iniciativa kona-ba resposta, no mós relasiona ho asuntu VBJ nian.
- Fó-hatene rezultadu auditoria seguransa nian no prosesu planeamentu ba órgaun seguransa rejional no nasional, hodi nune'e realidade seguransa lokál ba fetu no mane bele hatama hotu iha polítika seguransa nasional nian.

| Estudu Kazu 1 | Polítika Seguransa Nasionál Jamaika nian – prosesu inkluzivu ida |
|---------------|--|
|---------------|--|

Iha tinan 2007 nia klaran Governu Jamaika adota tiha ona Polítika Seguransa Nasionál ida mak kompriensivu – *Hakaat ba Nasaun ida ne'ebé Seguru no Prósperu*. Polítika ida-ne'e bazeia ba livru verde Estratéjia Seguransa Nasionál, ida-ne'ebé diskute ba dahuluk iha parlamentu iha Janeiru 2006, no tuirfalimai livru mutin Estratéjia Seguransa Nasionál. Iha inísiu Governu Jamaika iha planu atu halo revizaun ba defeza. Maibé, sira rekoñese lailais katak presiza aprosimasaun ida mak luan hodi rezolve poténsia ameasa ne'ebé hasoru seguransa nasional, inklui mós krime organizadu, violénsia husi gang sira, preokupasaun sósiu-ekonomiku no dezastre naturál sira. Hahú ho konsulta ida ne'ebé luan, envolve direasaun hotu-hotu ne'ebé relevante husi governu, ajénsia estadu, organizesaun sosiedade sivil no grupu fetu sira nian.

Ho título "Impaktu husi Violénsia ba Komunidade sira", Polítika Seguransa Nasionál rekomenda atu fó atensaun barak liu ba impaktu husi violénsia ba ema ida-idak, comunidade no sosiedade. Polítika ida-ne'e nota katak 'Violénsia Doméstika' nu'udar violénsia ida-ne'ebé bele hada'et lalais liu no forma violénsia komún ne'ebé kria problema iha sosiedade nia laran. Ho ida-ne'e kontribui ba krime hotu ne'ebé mosu no tan hamosu efeitu ne'ebé halo fraku tiha estrutura sosiál no nia funsaun hanesan halo sosializasaun kona-ba violénsia ba foin-sa'e sira no hanesan meius ida atu buka solusaun ba disputa. Fetu no labarik mak hetan risku makaas husi violénsia doméstika.

- Organizasaun komunitariu feto nian iha área rurál no urbana
- Klibur traballadór nian
- Organizasaun relijioza sira
- Lider komunitariu no ativista sira
- Organizasaun foin-sa'e sira nian
- Asosiasaun ema rai-na'in, étniku no minoria sira seluk
- Organizasaun justisa sosiál nian
- Asosiasaun imigrante sira nian
- Asosiasaun ba ema aleijadu sira
- Grupu advokasia labarik nian
- Akadémiku no peskizadór sira
- Organizasaun internasionál

Organizasaun Sosiedade Sivil sira

- Halo advokasia kona-ba asuntu jéneru ne'ebé tenke hetan atensaun iha polítika seguransa nasionál.
- Reprezenta opiniaun husi mane, feto, labarik mane no labarik feto sira iha sosiedade nia laran, inklui mós grupu sira ne'ebé marjinalizadu, iha prosesu halo polítika seguransa.
- Fornese koñesimentu tékniku lubuk ida no koñesimentu espesializadu kona-ba formasaun asuntu jéneru no seguransa nian ba ema sira ne'ebé halo polítika no deputadu sira atu uza nu'udar referénsia.
- Tau matan ba asuntu jéneru nian iha implementasaun polítika seguransa.
- Hala'o auditoria jéneru nian no avaliasaun ba polítika seguransa no instituisaun setór seguransa nian.

Formasaun kona-ba Jéneru nu'udar meius importante ida atu harii kapasidade atu dezenvolve no implementa polítika seguransa ne'ebé sensível ba jéneru. Grupu prinsipál sira ne'ebé presiza formasaun kona-ba jéneru mak:

- Funsionáriu sira husi ministériu sira envolve iha prosesu halo polítika seguransa nian, inklui mós funsionáriu sira iha ministériu defeza, interiór no negósiu estranjeiru.

- Membru husi órgaun koordenasaun seguransa nian no komisaun sira ne'ebé halo ezbosu ba polítika seguransa nian.
- Deputadu sira husi komisaun defeza no seguransa nian no sira-nia funsionáriu.
- Membru husi konsellu seguransa sidadaun lokál nian ka forum polísia komunitariu.
- Organizasaun sosiedade sivil ne'ebé hala'o servisu kona -ba polítika seguransa nian.

Avaliasaun, monitorizasaun no avaliasaun ne'ebé sensível ba jéneru ba polítika seguransa ne'e nesesáriu atu garante katak bele responde ba nesesidade mane, feto, labarik mane no labarik feto sira nian. Estratéjia ne'ebé util inklui:

- Halo análise sósiu-ekonómiku no jéneru nian ba papél no relasaun jéneru, liuliu diferensa entre atividade sira, asesu ba rekursu no prosesu foti desizaun, no limitasaun ekonomia, sosiál, polítiku no sira seluk ne'ebé ema feto no mane sira hasoru.
- Avaliasaun ba impaktu jéneru nia iha polítika seguransa hodi determina impaktu potenciál ka réal husi polítika seguransa ba mane, feto, labarik mane no labarik feto sira.
- Analiza orsamentu jéneru nian hodi determina katak fundu aloka ba jéneru nian ne'e ekuitativu no adekuaudu ka lae atu bele korresponde ho nesesidade seguransa oioin ba mane, feto, labarik feto no labarik mane sira.

Instrumentu 8 mós inklui ...

- Ezemplu linguajen ne'ebé sensível ba jéneru iha polítika seguransa nasionál
- Prosesu auditoria seguransa komunitariu nian liuhosi pasu
- Asaun ne'ebé bele foti husi Organizasaun Sosiedade Sivil hodi apoia prosesu halo polítika ne'ebé sensível ba jéneru
- Pergunta sira atu inklui iha avaliasaun impaktu jéneru nian ba polítika seguransa
- Pergunta sira atu inklui iha análise jéneru nian ba orsamentu sira
- Dezafiu no oportunidade atu integra asuntu jéneru iha prosesu halo polítika iha nasaun pós-konflitu, tranzisionál, sei dezenvolve hela ka dezenvolidu.

Dezafiu no oportunidade Pós-konflitu

Reforma setór seguransa mak sai hanesan prioridade prinsipál ida iha nasaun pós-konflitu sira, no polítika seguransa nian sei forma baze importante ida atu harii prosesu ne'e. Prosesu halo polítika seguransa nian bele fó oportunidade ida atu bele halo negosiasaun foun fali kona-ba funsaun no responsabilidade sira ne'ebé relasiona ho asuntu seguransa nian husi parte atór Estadu no naun-Estadu sira.

Dezafiu ba integrasaun asuntu jéneru

- Instituisaun no infraestrutura estadu dala ruma sei fraku hela nune'e bele iha kapasidade limitadu atu halo prosesu konsulta ne'ebé luan. Hanesan konsekuénsia bele limite envolvimentu organizasaun sira fetu nian no atu inklui asuntu sira jéneru nian.
- Nivel edukasaun ne'ebé badak no kuran koñesimentu tékniku bele sai hanesan obstákulu ba partisipasaun públiku iha prosesu halo polítika seguransa nian, partikularmente fó impaktu ba fetu no grupu étniku balu.
- Órgaun ezekutivu no instituisaun seguransa nian bele haree organizasaun sosiedade sivíl hanesan oponente polítiku, ho nune'e lakohi servisu hamutuk ho organizasaun sira fetu nian.

Kaixa 3

Envolve organizasaun fetu sira nian iha prosesu halo polítika

- Fasilita interasaun entre fetu sira-nia grupu no fornecedor seguransa lokál – n.e. bele inklui sira iha komisaun lokál kona-ba seguransa.
- Harii kapasidade husi organizasaun fetu sira nian atu fó-atensaun ba asuntu polítika seguransa, inklui supervizaun ba setór seguransa.
- Inklui representante sira husi organizasaun fetu sira nian nu'udar peritu jéneru iha audiénsia parlamentár.

Oportunidade atu integra asuntu jéneru nian

- Akordu pás bele fó mandatu atu dezenvolve polítika seguransa nasional.
- Diálogo nasional ne'ebé partisipativu kona-ba seguransa no rekonsiliaun bele halo posivel ba fetu no mane hotu atu bele fó-sai sira-nia hanoin atu identifika nesesidade no prioridade nasional seguransa nian.
- Grupu sosiedade sivíl fetu nian ne'ebé servisu ba pás no fó-tulun ba seguransa iha nivel komunitariu durante tempu konflitu bele fó-hanoin ne'ebé iha valór boot tebes ba prosesu halo polítika seguransa nian.

Estudu Kazu 2

Integra jéneru iha prosesu halo polítika seguransa: knaar fetu nian iha Konsellu Nasionál Afrikanu (ANC) iha África Súl

Tranzisaun África Súl nian ba demokrasia hatudu katak oinsá ambiente polítiku ida-ne'ebé kondusivu, formasaun liga fetu nian ida iha partidu polítiku ida nia laran no advokasia kona-ba asuntu jéneru nian iha ámbito polítiku hotu bele fó influencia ba polítika seguransa.

Espasu polítiku nian atu haree ba asuntu sira jéneru nian ne'e kria husi fetu sira iha tantu sosiedade sivíl komu partidu polítiku sira-nia laran. Tanba iha preokupasaun katak fetu sai marjinalizadu, liga fetu nian ANC harii iha 1990. Liga ne'e ezije makas atu hatama fetu ba pozisaun lideransa polítiku nian no mós atu integra igualdade jéneru ba iha ANC nia polítika sira. Bele haree momoos ninia advokasia iha ANC nia publikasaun prinsipál ne'ebé fó-sai iha 1992 *Prontu atu ukun : Matadalan polítika ba África Súl ne'ebé Demokrátiku*, ne'ebé rekoñese katak 'diskriminasaun jéneru la inklui fetu nia partisipasaun, ka tau sira-nia partisipasaun iha pozisaun subordinadu iha instituisaun sósiu-ekonomiku no polítiku sira hotu'. *Prontu atu ukun* propoin valór haat ne'ebé liga ba malu: demokrasia no autoridade sivíl, seguransa umana, anti-militarizmu no igualdade jéneru. Publikasaun ne'e hatete loloos katak instituisaun sira setór seguransa nian tenke respeita prinsipiu demokrasia nian, laiha rasizmu no laiha diskriminasaun ba seksu, no refleto kompozisaun nasional no jéneru nian husi sosiedade África Súl.

- Reforma konstitusionál no eleitorál ne'ebé bele hasa'e númeru fetu iha parlamentu sei halo fasil liu tan ba fetu sira atu kaer pozisaun iha órgaun sira mak foti desizaun kona-ba seguransa.
- Tanba taxa VBJ aumenta iha kontestu pós-konflitu bele kria nesesidade atu garante katak política seguransa inklui mós prevensaun no resposta ba VBJ hanesan prioridade seguransa nian ida.
- Doadór sira no organizaun internasionál sira bele fó-tulun ba prosesu halo política kona-ba seguransa ne'ebé sensível ba jéneru.



Pergunta ba prosesu halo política nasional seguransa nian

Pergunta sira ne'ebé atu husu hodi garante katak asuntu jéneru nian hetan atensaun iha prosesu halo política nasional seguransa nian mak hanesan:

- Iha énfaze ba seguransa nasional ka seguransa umana? Inklui ka lae ameasa ba seguransa interna no ameasa loroloron ba seguransa umana?
- Política ne'e dezenvolve tiha ho maneira ida-ne'ebé partisipativu ka lae, inklui mós grupu fetu nian no organizaun sosiedade sivil sira seluk, funcionáriu sira husi ministériu competente kona-ba asuntu fetu nian, deputada sira no peritu jéneru nian?
- Oinsá mak política ne'e bele haree ba nesesidade partikulár fetu, mane, labarik fetu no labarik mane?
- Oinsá mak política ne'e haree ba VBJ?
- Oinsá mak política ne'e fó-énfaze ba importánsia husi objetivu igualdade jéneru nian, inklui mós laiha diskriminasaun no partisipasaun iguál entre fetu no mane?
- Política ne'e hakerek ho linguajen ne'ebé sensível ba jéneru ka lae?
- Política ne'e korresponde ho lejislasaun internasionál, rejional no nasional no política sira kona-ba asuntu jéneru nian?
- Política ne'e sei implementa, supervizona no avalia tuir maneira ida ne'ebé sensível ba jéneru ka lae?